

آبونه شرائطی : هریر
ایچون سنه لکی (۲۷۵)
آلتی آیلنی (۱۵۰)
غروشدر .

نسخه سی ۵ غروشدر
سنه لکی ۵۲ نسخه در .
اداره مخانه آنقرمده حریت
اوتلی قارشوسنده کی
سوقاقدہ

اخطارات
آبونه بدلی پشیندر .

مسلمکه موافق آثار مع المنونیه
قبول اولنور . درج ایدله یین
یازیلر اعاده اولنماز

والله یهدی من یشاء الی صراط مستقیم

باش محرد
محمد عاکف

صاحب و مدیر
اشرف ادیب

اتبعون اهدکم سبیل الرشاد
پاره کوندردیکی زمان نهیه
دائر اولدیفی بیلدراسی
رجا اولنور

کتابخانه

۱۳۳۰

ادرس تبدیلنده ایریجه
غروش کوندردلمیدر

مکتوبلرک امضالری واضح
واوقوناقلی اولاسی و آبونه
صره نومروسنی محتوی
بولنسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلمسی
رجا اولنور

صوکره دنیانک هیچ بریرنده اولیان برغریبه دها کورنیورز :
چو جوق دها آنا دینای اوکره نمیدن فرانسیزجه به باشلایور . همده دها
ایلاک سنه سندن اعتباراً هفته ده دردر ساعت اجنبی لسانه تخصیص
اولنیور . اوروپاده مکاتب ابتدائیه سنه اجنبی لسانی صوقش بر ملت
وارمیدر ؟ بر ملت افرادینک هینسک اجنبی لسانی اوکر نمسی لارمیدر .
بویله شی دنیانک نرمسند کورلمشدر ؟ یالکز مستملکه لرده اوروپا
دولتلی کنیدی لسانلرینی ابتدائی مکتبلره جبراً ادخال ایتمشدر . بز
مستملکه حالنده یاشاماق ایچون مجاهده ایدوب دورنیورز . بر ملت
افرادینک عمومک اجنبی لسانی بیلمسی ممکن دکلیا ، ممکن اولسه بیه
مضرتدن باشقه بر نتیجه ویرمز لسانک روحلر اوزرنده کی تأثیری غیر قابل
انکاردر . هم اساساً بوکا لزوم یوقدر . بر ملت آرمسند اجنبی لسانی
بیئلر محدود اولور . یعنی کافی مقدارده اولور . بو اختصاص ایشیدر .
و محدود مقدارده اولمسی ده ضروریدر . حدنصابی تجاوز ایتدیکی
تقدیرده فائده سی مضرتنه منقلب اولور . اجنبیلرک کرک مستملکاتده ،
کرک دوشکون ملئر آرمسند کنیدی لسانلرینک نشر و تعمیمی ایچون
اختیار ایتدکاری فداکارلقلر لسانک نه مؤثر بر واسطه اولدینقی افهامه
کافیدر . بناء علیه ابتدائی مکتبلرده فرانسیزجه تحصیل کلیاً قالدیرمیدر .
بوکا قطعاً لزوم یوقدر . بومضرتدن باشقه بر نتیجه ویرمز .
شیمدیلک هنریم شو بر قاج نقطه یی نظرگاه عالیرینه عرض
ایدیورم : دها جوق سویله جک سوزلرم وارسده باشقه بر زمانه
تعلیق ایدیورم . باقی صمیمی حرمتلر ...

محترم «سبیل الرشاد» مجموعه سنه

«کنج مسلمانلر جمعیتی» اسمیه بر اسلام اوجاغی وجوده کتیرلمسی
ایچون مطالعه سور دینفکزی صوک نسخه کزده اوقودم . مطالعه
سردینه ، و اولسون یاخود اولماسین دیمکه بو مسأله نیکجه هیچ
احتیاجی یوقدر ، بلکه ده شیمدی به قدر نیچون اولمادی دییه تأسفله ،
خجالته لزوم وارددر .

بوتون جهانیه معلوم اولدینقی اوزره مسلمانلق اسکی قوتی ، اسکی
عظمت و علوتی ، اولکی وحدت و معنویاتی اعظمی درجه ده ضایع
ایتمشدر . مسلمانلر عدد و مقدارجه آرتیش اوله بیلیر ، فقط ایمان
واخلاق فضائی اعتباریه معنا آزالمشدر ، یاخود بری برندن آری
دوشه زک تفریقیه وانفراده دوشمشدر . بو حال ، تا خلفای عباسیه نیک
دور اخیرندن باشلار . اولر مدنیت سلامیه نیک قدر و قیمتی سیله میهرک
امر دینده مبالانسزلق ایتدیلر .

صوکره ، عثمانلی دولتی استانبولی فتح ایله متفسخ بیزانس بقایاسنک
اختلاطندن طولانی بسیط وجدی حیات و معیشتدن سرایلرک صفا
و سفاهت عالنه - خصوصاً دور استیلای متعاقب - کیرنجه ینه عینی
فلاکت باشلادی . آرایره برد ، شیعیلک آریانی کیردی .

ایشته اووقت بووقتدر . تدریجاً اوروپانک ودها دوعروس
خرستیانلق عالنه تجاوزلرندن ، اغفاللرندن ، حیله کار سیاستلریله
ظالم سلاهلرندن قورتوله مدق . چونکه ضعیف دوشدک ، چونکه
سلامتمزی تأمین ایدن مسلمانلنی قلمزده تمامیه صاقلامادق . یوقسه
دنیا ده عیجا اوندن دها بویوک عزت و رفعت ، و اوندن دها صاغلام
قوت و مکننت وارمیدر ؟

مسلمانک قلبه قوت ، وجدانه پارلاق و بناء علیه اخلاقه
متانت و یرم جک و سائطه ، وحدته ، ارشاد و ایقظه بوکون اکمک و صو
قدر احتیاج وارددر . صوسر ، اکمکسزمادی وجود ناصل یاشایه مزسه
معنویت ده اوله جه کنیدینه مخصوص ذخیره سز حیات سوره مز .

حالمز معلوم وبری بریمزه خفی دکلدر . دوشدیکمز فلاکتلردن
بزی قورتاره جق تک چاره ویکانه حامل مسلمانلنی صرفاتی الله ایتمکدر .
مسلمانلغک مشترک اخلاقه و مشترک وجدانه بر آن اول قاووشمقدردن .
بواشی آمان اهمال ایتیکمز . زیرا نه وقدر تجربه ایتدک : نه عقلمز ،
نه معلوماتمز ، سحیه حائی و بالخاصه مسلمان شیمه سی ماهیتنی بولمادق
هیچ برشیئه یارامیور ، بلکه ده بزی جاهل برمادی یا بارق ساخته شکلره
قویور . بونک اوکی آنجق مکارم نبویه یا قلاشمق ایله آله بیه جکمز .
الله جمله مزی خیره موفق بو یورسون اقدیم .
علی سعاد

انکلتره نیک وضعیت عمومییه سی

جقدر . حال بوکه بومسئله غایت مهمدر . بالخاصه مسلمانلرک بو
خصوصده اساسلی و طولیو بر فکر ایدینلری پک لازمدر . بومعظم
هیولای اولدینقی کبی بیلمک و طائیق عالم اسلام ایچون واجبدر .

انکلتزه نیک احوال و وضعیت عمومییه سی حقنده محترم ارقداشمزک
بزه لطف ایتدکاری ایضاحات خیلی اوزونددر . بونی پک خلاصه
اوله رق بر مقاله به صیقشدر مق ممکنسده ایجه آکلاشیلمش اوله مایه .

اونك ایچون بر قاج قسمه آیره رق بارچه بارچه نشر ایتمی دها موافق بولاق . بوتون عمری اسلامك اك بویوك دشمنی اولان انكیزلره مجاهدهیه حصر ایدن محترم آرقاداشمز دیورکه :

انكیزلره ، بر عصر ظرفده تأمین ایده بیلجکی منافعی حرب عمومی سایه سنده درحال تحقق ایتدیره بیلجك بر وضعیت حاصل اولدینی فکرینه ذاهب اولدی . بویله بر فکره قایل مقده انكیزلره بر درجهیه قدر معذور ایدی . چونکه اوروپا نك یتاب دوشسیدیکنی ، کندیسنه قارشى هیچ کیمسه نك اعتراض ایده بیلجك بر حالده اولمادیغنی کور یوردی . فقط انكیزلره نك بو خصوصده بالکیز اوروپالی ملتلی و دولتلی نظر دقته آلدی . حرب عمومیدن طولانی یکی بر ذهنیت حاصل ایدن محکوم ملتلك احوال روحیه سنی هیچ حسابیه قانمادی . ایشه انكیزلره نك وضعیتنی قارمه قارشیق ایدن اسبابك اك مهمی بویاکاش . ذهابیدر .

متارکه عمومیه عقد ایدیلوبده (وهرسای) ده صلح مذاکرانه باشلار باشلاماز ، انكیزلره نك اوتهدن بری ترنم ایتدیکی یوزنده عدالتك تأسیسی ، کوچك ملتلك استقلالی ، یکی ده موقراسینك تأییدی کی نغمه لرك هیچ برینك اصلی اولمادیغنی آکلاشیلدی . حربك دوامی مدتیجه ویلسون پرنسپلرینك اك حرارتلی مدافعی اولان انكیزلره متارکینی متعاقب اوپرنسپلری عقامته اوغرا تمق ایچون لندن کانی بایمقدن چکینمادی ، ایشه بو احوالك ایلک نتیجه سنی اولمق اوزره مصر مسئله سنی انكیزلره نك قارشیسنه چیقدی . حد ذاتنده مهم اولان بو مسئله نك متارکینی متعاقب ظهور ایتسی ، باشقه براهیتی حازدی . چونکه بو حرکت حرب عمومینك محکوم ملتلا اوزرنده حصوله کتیردیکی تأثیری بالفعل کوستردی . یعنی نظری اوله رق قوه ده بولنان موجودیت ملیه ، استقلال مفهومی ساحة فعلیه چیقدی .

فی الحقیقه مصر دن صوکره ایران آکاپوز اولدی . انكیزلره نك قطعی صورتده استیلا ایتک ایستادیکی ایران معهود معاهده یی رد ایتدی . اونی متعاقب افغانیلر انكیزلره اعلان حرب ایدرک استقلاللری قازاندیلر . صوکره یکیدن آلدانقلری فلسطین و عراق اهالیسی انكیزلرک دسیسه لری بک جابق آکلایه رق اونلرک لندن قورتولمق ایچون قیامه وارنجهیه قدر الارندن کن هر واسطهیه مراجعتدن کری قالمایورلر . صوکره اصل هندستان ، حرب زماننده انكیزلره بو قدر یاردم ایدن ، اونلرک وعدلرینه اینانه رق اونلرک آرقه سندن سور وکله نن ، حتی دینداشلرینه قارشى محاربه ایدن هندیلر انكیزلره نك مقاصد حقیقیه سنی کورر کورمن اولا پروتستو ایتدیلر ؛ اونك بر نتیجه ویرمیدیکنی آکلایجه درحال مادی واسطه لره مراجعتده قصور ایتدیلر . دیه بیلیرک هندستان بوکون انكیزلره قارشى حال قیامده در . دیگر طرفدن حرب عمومیده یاردملرینی تأمین ایچون کرك عملیه ، کرك حازر مختساریت اولان

مستملکانه قارشى کوستردیکی فوق العاده مساعد طور وحرکتلی حربدن صوکره دیکشیدیرمسی اونلرکده انفعالی موجب اولدی . حرب عمومی فرصتیه الله ایتدکلی امتیازاتدن واز کچمک شویله طورسون ، آنلردن دها زیاده بر طاقیم مطالباته قالدیشیدیلر . اکر بوکعصر لر دن بری انكیزلره یه فوق العاده مشکلات ایقاع ایدن ، انكیزلری جدی صورتده دوشوندورن ایرلاندا مسئله سنی ده علاوه ایده جك اولورسه ق انكیزلره نك کرك داخلی ، کرك مستملکات سیاستنی خلاصه ایتمش اولورز . معلومدرکه بویوك بریتانیا ایمپراطورلنی دنیاده تاریخك قید ایتدیکی اك بویوك ایمپراطورلقدر . عرق نقطه نظرندن بو معظم ایمپراطورلنی ایکی به آیره بیلیرز : برنجیسی آنگلوساقونلر ایله ، مختلف اوروپا عرقلریله مسکون بولنان اقسام ؛ دیگرى ده آفریقالی و آسیالی اقوامك ساکن بولونقلری اقسام . مرور زمانله بو ایمپراطورلق بویودکجه انكیزلر برنجی قسمه ، هافضله امتیازات ویره رک ایکنجی قسمی کندی حسابلرینه ایشه نك ، استثمار ایتک سیاستنی تعقیب ایتدیلر . ملتله مقدراتلری تقدیر ایتدکجه ؛ حقوقلری ، وظیفه لری حقیقه ادرک ایدوبده جدی صورتده دوشوندکجه انكیزلره بوسیاستنی قولایجه تعقیب ایدره ، آنلری ایسته دیکی کبی سوق و اداره ایلیه بیلیردی .

فقط بر طرفدن حرب عمومیدن متولد بر طاقم حادثات ، دیگر طرفدن یکی یکی ضبط ایتدیکی اراضی ، مستملکات حاله قوعق ایسته دیکی مملکتلر او بویوك ایمپراطورلنك احتوا ایتدیکی مستملکات آره سنده اویله متضاد وضعیتلر حصوله کتیردی که آرتق اسکی آهنگی ادامه ایتیه امکان قالمادی . بو قدر عظیم وسعت آرتیق آنلرک منافعی تألیف ایده میه جك بر حال احداث ایتدی . مثلاً بوکون حجازده تعقیب ایتدیکی سیاست نچده تعقیب ایتدیکی سیاستك تمامیه ضدیدر . حجازی تقویه ایتکله ابن السعودی ضعیفلتمش اولیور . ابن السعودی تقویه ایتنجه حجازی ضعیفلتمش اولیور .

بناء علیه وضعیت اویله بر حال کسب ایتدی که آرتیق اوزون اوزادی به اساسی بر سیاست تعقیبنه امکان قالمادی . انكیزلره کلیشی کوزل بر سیاست تعقیب ایتیه ، کونی کونه تدبیرلر قوللانیه مجبور اولدی . فقط بالطبع هر کس تسلیم ایدرکه او معظم ایمپراطورلق بویله کلیشی کوزل سیاستلره ؛ یاریم یامالاق تدبیرلره اداره ایدیه من . نیته کیم احوال بونی کوسترمه به باشلادی . شیمدی به قدر بویوك بریتانیان بر جزء اولان ایرلاندا انكیزلره ایله اولان اسکی رابطه سنی تمامیه قطع ایدرک مستقل یاشایه جغنی اعلان ایتدی . ایرلاندا ایچون بو ، قیام عسکریدن عبارت دکدر . بو حرکت ، معظم بر تشکیلات نتیجه سیدر . و او تشکیلات بالکیز ایرلاندا ده دکل ، آمریقا ده بولونان اون ایکی میلیون ایرلاندا لی ده داخل اولمق اوزره ، تمامیه بر حکومت تشکیلاتیدر . انکیز قوتلرینه قارشى محاربه ایدن

مسلح قوتلردن طوتوکنز، پوسته لره، محکمه لره قدر مکمل تشکیلاتی موجوددر . و بوتون بومؤسسات حکومت منتظماً ایشاه یور. ایرلاندای بوکون اویله بر حاله کلدی که انکلتزه نك اوراده کی مؤسسان، محکمه سی، ژندارمه سی، پوسته سی، حکومتی عادتاً ایشسز قالدی. بویله بر تشکیلات یانمه به مقتدر اولان بر ملت طبیعی انکلتزه نك مدافع سیاسی و حریه سنه کوره بخش ایدجکی امتیازاتی هیچ بر زمان قبول ایدمه من. ایرلاندای اک واسع بر مختارینه بیله راضی اولماز. استقلالدن باشقه هیچ ر شیده موافقت ایتیه جکلی اعلان ایتدیلر. بونلر عصرلردن بری انکلیزلره برابر یاشامش، تشریک مساعی ایش اولدقلرندن انکلیزلرک دوائی، بوکی احواله کی خط حرکتلری پک این بیلورلر. بونک ایچون ایرلاندایلر انکلیزلره اک مدھش بردشمن عد ایتدیلر. خصلت ملیه سی غنودلفله معروف اولان ایرلاندایلر فکرلری، غایه لری تمامیه استحصال ایتمه دن هیچ بر زمان سلاحی الدن بر اقامه جقلرینه شبهه یوقدر. شیمدی انکلیزلر یالکنز ایرلانداده دل، انکلتزه ده بیله ایرلاندانک تعرضلرینه معروض قالیور. انکلیزلرک ده پولرینه، فاریقه لرینه، رسنی مؤسسه لرینه ایرلاندایلرک سوء قصدلری توالی ایدوب طور ییور. ایش احواله کلدی که انکلتزه لوندره ده کی مبانی رسمیه سی اطرافه تحته برده چکوب سونکولو نوبخیلرله محافظه به مجبور اولدی. انکلتزه کی معظم، مهیب، قدرتی، شوکتی بر دولک پاختند امنیت آلتنده بولونمامسی، تعرضلره، سوء قصدلره معروض قالمسی نه حاله اولدیفنی پک واضح صورتده کوستر.

ایرلاندانک حقوق و دعوا سنه انکلتزه ده بیله تک توك طرفدارلر بولور. فقط آچیقندن آچیفه اونلرک حرکتلری تصویب ایدن سوسیالیست و عمله فرقلیدر. طبیعی به سیاسی فرقلرک پروگراملری میانده ملتلك کندی مقدراتنه حاکم اولملری اساسی ده واردر. بناء علیه ایرلاندایلرک حقوقی مدافعه ایتک، عمله نك حقوقی مدافعه دیمکدر. حرب عمومینک حصوله کنتریدیکی سوسیالیزم فکری بسله ن آدملا آکلادیلر که قاپیتالیزم و ایمپریالیزم عینی ذهنیتک مختلف تظاهرلیدر. آرزو ایتدکلری قوانین اجتماعیه، اقتصادیه و سیاسی ایرلاندایله وضع ایدمه بیلیمک ایچون یالکنز قاپیتالیزمه قارشى مجاله ایتک کافی کلر. چونکه ایمپریالیزم طوردقجه حکومت هراسته دیکی زمان خارجه کی قوته استناداً داخلی آزه بیلیر. عکسی ده بویله. ایمپریالیزمه قارشى جدی صورتده مجادله واونی هدم ایتک ایسته یئلرک قاپیتالیزمه قارشى ده مجادله ایتملری اقتضا ایدر. بو حقیقت بالخاصه انکلتزه ده پک بارز بر صورتده تجلی ایتمکده در. چونکه دره بکلك امتیازاتی حاکم اولان زادکان قسمی ایله دنیا به اقتصاداً حاکم اولان سرمایه داران انکلتزه نك ایمپریالیست سیاستک حامی طبعیلیدر. بونک ایچون عمله

فرقلرینک پروگراملری اقتصادیاتدن زیاده سیاسی بر ماهیت اکتساب ایتدی. نیته کیم عمومی متارکه دن بری انکلتزه ده قرقی متجاوز اولان غره ولر، باخصوص کچن سنه تیمور پوللر و علی العموم نقلیه عملیه سی غره ولرنده سوویت اردوسنه قارشى لهستانه مهمات و مالزومه حربیه کوندریلمه سی حقنده مقررات اتحاد اولونمسی، اوچ آی مقدم کومور عملیه سی غره وینک آلدیفنی شکل و طور، عرض ایتدیکنز انقلابی پک کوزل اثبات ایدیور. فی الحقیقه انکلتزه یی لاقول بر ییچ میلدار فرانق ضرره او غران کومور عملیه سی غره وینک بوسیتون باشقه بر ماهیتده تجلی ایتدی. معلومد که حرب عمومی زماننده معدنلرک ایشاتمامسی اوزرینه آلان حکومت حادثات فوق العاده دن بالاستفاده کوموره اخراجات ویرکومی قویشدی. او سایه ده عمله به فضله فضله معاشات ویر ییوردی. شیمدی ایسه معدن صاحبیلری طوغریدن طوغری به ایشاتکلرندن طولای بیاسیه تابعدر. بویله اولونجه عمله او اسکی بول بول معاشلری آله ماز اولدی. عمله آره سنده اضطرابات باش کوستردی. بو بحران، عموم عمله نك غره وینک انتاج ایتدی. حکومت معدنلرک کنتریدیکی کارک یوزده آلتش، آلتش بش قدرینک عمله میانده تقسیمى تکلیف ایتدی. فقط عمله پونی قبول ایتدی. بوتون انکلتزه ده بولونان کومور عمله لرینه عینی مقدار معاشک تأمینى طلب ایتدیلر. انکلتزه ده کی کومور معدنلرینک مختلف آدملرک مالی اولمسی و مختلف نمره لرویرمسی نظر اعتباره آلیرسه بو طلبک نه قدر انقلابکار بر ماهیتده اولدیفنی آکلاشیلیر. انکلتزه نك کرک آلمانیا، کرک روسیه ایله مناسبات تجاریه تأسیس ایتمه سندن طولای معیشتک دارلاشدیفنه قانع اولان عمله نك معیشت بهالیفنی ایلری سورمسی پک معینداردر. یعنی غره ولر بوکون بر ماهیت سیاسی ده عرض ایتمکده درلر. ذاتاً عمله فرقلرینک عوام قاره سنده آچیقندن آچیفه کرک سیاست داخلیه حقنده، کرک سیاست خارجه مسئله لرنده حکومته مخالف بر وضعیت طاقینه رق طوغرودن طوغرویه مستملکات لهنه طاورانه لری مقصد سیاسی لری پک کوزل ایضاح ایدر. روس سوویتلرینک بوتون اساساتی تمامیه قبول ایتمه مکه برابر آره ده کی اختلافک وسائطه عائد اولدیفنه، یوقسه مقصوده بولشه ویکلرله تمامیه مشترک اولدقلرینه شبهه یوقدر. عمله نك بوسیالی حرکتلری تأثیریه در که انکلتزه آلمانیا به قارشى سیاستی دیکشدریمه مجبور اولدی. فرانسه نك آرزو ایتدیکی قدر آلمانیا نك کرک اقتصاداً کرک سیاستاً آزیله سنه رضا کوسترمه سی عمله نك نه قدر قوتلی اولدیفنی اثبات ایدیور. کورولویور که عمله مسئله سی سیاسی، مالی، اجتماعی، اقتصادی نقطه نظرلردن پک مهم بر عاملیدر. هیچ شبهه سزدر که مستقبلا ده هیئت بشریه ایچون یکی بر شکل حاضر لایان جریانلرک بریمی ده بودر.